

沈乃文 主編

明別集叢刊 第三輯

第四十二冊

黃山書社





國家出版基金項目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第四十二冊

黃山書社



(明)屠應竣 撰

屠漸山蘭暉堂集十二卷

明嘉靖三十一年屠仲律刻本

屠漸山蘭暉堂集卷之一目錄

四言

孝思

樂章

迎神

初獻

亞獻

終獻

撤饌

送神

頌

李侯頌

賦

介福堂賦

秋懷賦

陽峰書院賦

文鳳篇

屠漸山蘭暉堂集卷之一

孝思

相國溫公之歸寧也門人屠應垓爲之賦孝思

於維孝思蒸民之則穆穆我公允迪元德綏祿辭親中心悽惻赫赫簡書有懷靡及我公穆穆文振厥聲帝心簡畀秉國之鈞維王喉舌維王股肱允烈孝思無忝所生公拜稽首告於天子資父事君無敢遐邇

瞻望父矣萬里阻矣蜀山峨峨川水瀟瀟明發不寐憂心如惺

臣拜稽首天高聽微維父之懷歸寧于家天子曰都維爾輔予爾行遄歸歲以爲期母予言是渝毋樂爾私

帝錫惟旅南金文綺維曰羞耆維曰燕喜帝命下國于峙餼糧乘馬路車以先戒行公拜稽首受天之慶

九月之交吉維其朝八鸞僊僊朱膺金璫我

公于邁綏章搖搖百辟卿士出餞于郊烹鮮
魚羔清酒百牢

於維我公吉日斯征皇皇其儀四牡不驚亦
既歸止其迎如雲其迎維何雍雍嘉賓其歸
維何仲冬上旬

父居在堂公肅其躋齊齊愉愉悅且有儀嘉
賓嬉嬉孫子祁祁坎坎伐鼓鼙鼙填篴亦既
樂只萬壽無期

公躋於堂蹈舞將將 帝命在中於赫煌煌

蘭渾堂集卷一

三

諸父昆弟紛其有行以介景福稱彼兕觥維
父樂只萬壽無疆

我公于歸歲月逝止父曰予子行矣 帝命

孔邇予安予樂無父視予易孝以忠毋爾遁

思公拜曰嗟無寧父違

父曰予子行矣毋爾違息往相 天子率是

常服公拜受命式邁其來維 天子元臣維

民允懷永言孝思式於九圍

孝思十一章二章章八句九章章十

句

武廟樂章

迎神

於穆 武皇峻德唯神纂圖振烈錫統垂明
奕奕新廟燁燁聲靈鸞華佇景秬鬯儲馨奉
璋攸宜邇求厥成永思無斁 皇降居歆

初獻 武功之舞

維皇烝哉於鑠濟哲八駿業業六師孔捷南
有苞蘖觀我黃鉞既震既遏萬邦有截惟萬

蘭渾堂集卷一

四

邦罔弗同耆武定功

亞獻 文德之武

受 命明明緯武經文厲醜既平髦士攸登
襄襄馮馮保大翊成 皇度永貞昭我德音

終獻 文德之舞

睿聖淵淵令終罔愆末命蹈宣陟配于天
烈祖有訓允迪其揚之眷予承服基命其康
之基命斯皇百世熾昌駿惠無疆休有耿光

撤饌

仁樂章矣嘉薦芳矣祝辭罷裸告 靈饗矣
告靈既饗降福穰穰篤敘萬年壽考不忘

送神

皇神邈兮旋寢宮寢宮肅兮神有融予惠成
兮穆 皇風歆陟降兮 后惟同肇稽古今
莫無窮承歲事兮萬祀攸隆

李侯頌

李侯者關中李申也爲郡先教化去
強禦豪民嚴鸞者誣之 朝致興詔

南華堂集卷二

五

獄然竟得白也后以父喪去終于家

云

於昭李侯克慎厥儀肅肅愉愉維德之基民
之觀止左右綏之亦曰歸止維以永思 維
茲嘉郡蔚其文邦崇崇泮宮在湖之陽我侯
邁之不顯其光有孚惠心德音孔彰 青青
者衿泮宮之下於倫維鏞坎坎擊鼓以肄百
禮雍雍雅雅既抗大侯矢其文武 侯曰休
哉迪爾予適有民之孽敢亂恒德若殖嘉穀

去其螟賊斤斤天刑率是常辟 民曰丕哉
維斯戕斯孰殺彼孽吾其由之維係之澤若
雲垂垂迅如其雷式仁以威 彼孽論論胥
誣於天師聽咸中曰維侯賢孰毀弗愠孰正
而償輯柔又剛肆不殞厥問 亦越大故侯
歸於秦遵渚送之里無居人於昭李侯如玉
如金下士作頌目慰我民

介福堂賦

有序

介福者何志 光命也少宰徐公亮

南華堂集卷二

六

若時采簡在 帝衷得推恩所自
誥封母王氏爲太淑人有介福之褒
爰構堂而名焉是故祿賢以逮親達
孝也侈恩以昭德勗忠也圖永以憲
后大義也于是應玆述而賦之其辭
曰

猗斯堂之肇構兮奠吳會之名都鳩百材之
豐麗兮鬱磊砢其相扶翼欄棟以高驤兮肅
層覆而遽遽挹三江之雄潤兮前包山之蹲

具區波其在下兮雲濛濛而承楣曲瓊丹
縈交方連兮炳白日其陸離繚辛夷以爲垣
兮被杜蘅以爲戶汎光風之塵筵兮自蕙蘭
之瑤圃家室宗以愉樂兮及母氏之壽考也
匪聖善之貽教兮伊哲人其滋起也宅帝揆
以秉衡兮踐辰機以布軌極左右而后先兮
固皇心之攸顧曰獎考以勗忠兮汝懷誠
其予輔抑殊典之所褒兮矧惟是其有母介
景福以自天兮昭大命之燁燁承后皇之

蘭暉堂集卷一

七

駿惠兮羗獨錫此嘉名煥文服其修姱兮麗
翔鳳于雲冠翠翹頤而流珠兮珮琳琳而交
鳴唯令則之宜家兮旣永飫于徽音觀龍
光之昭回兮組纓班其相分斯華酌之旣羅
兮損鳴鼓于東序子孫億而屢舞兮奏離離
之大呂芍藥之饌和而后陳兮繫玉食之有
也幕瑤漿以遐薦兮唯酒人之所醕也粵繁
錫之有恒兮抑君子之永譽衆賓娛以旣醉
兮亦飽德而雅雅進坻鄂而噉辭兮指南山

以爲侶母欣欣其壽康兮曰萬年其猶未久
歌曰蓀壁兮芷堂爛丹雘兮斯皇華采衣兮
鳴琳琅紛繁會兮浩倡言有萱兮樹之背汴
有芙蓉兮山有桂芳霏霏兮芾芾春與秋兮
未艾母壽考兮無疆載申錫兮天慶堂奕奕
兮孔臧越貽翼兮垂耿光

秋懷賦

有序

陸大夫爲儀制郎中積功飭行爲

天子所知而宰臣議階出奉闕臬僕

蘭暉堂集卷一

八

鄙人也撫時即事喟焉賦之于時秋

也因以秋懷命篇其詞曰

何秋氣之殄疊兮倣素律之淒淒申鳴鶴使
戒露兮萎修蘭于枯丘叢林旖旎奄以夕勁
兮游氛殞葉風揚埃慄慄邑邑物錯遷而就
罷兮寥落晃朗天高而日微蟬中寂又續厲
兮熠燿的的而宵燐玄鳥泝陰以辭宇兮雁
即陽而南征緊離離其群諸兮予罔沕兮而
懷友生固秋士之易哀兮感物化之難憑送

將歸返故都兮心淹留而自閔子捐故而偶
新兮予怍怍其若履淵不吾知其亦奚怨兮
竊悲夫今之人蹇余生之諒直兮弱好修以
崇方豈唯紉蕙而佩芷兮固茹瓊而沐芳光
陸離以周襲兮中矯厲而慨慷指前修使先
導兮騶騏驥而服飛黃悼世俗之傾隘兮信
多岐而亡羊黨機巧以捷步兮競詭異而改
則予將持頑刃而釋堅兮固齟齬而難入眩
羊腸與九坂兮方世路其猶夷棘刺刺于厥

蘭暉堂集卷一

九

心兮誘穽檻而寤歌勢軋軋而並轡兮剗白
刃而仇之瞻岵岵以蔽目兮還峨峨其愉之
混淆濁而伐異兮寶偽而汰真旬燃灰謂光
于天兮指日月其不燁岱華坎其污泥兮尾
閭突而溢山婦鬚而男則幘兮鵬一羽而巨
焦明宜虎翼而虺足兮鷄牝晨而喑雄予雖
要明月與懸黎兮咄黯黯而宵黜鬱領額余
增欷兮子揆予之惻惻固鄰德而不孤兮信
內美其必合車間關有兩輪兮耕藉藉且焉

偶獲子信姱以侗儻兮又重之以修能協神
人使揆序兮 帝爰褒之曰功彼登倭而抑
良兮陳臬事其以鼓華采衣之燁燁兮武蹲
蹲于弁冠夫孰命其匪恩兮余竊疾夫衆女
之善茹而詠淫嗟驕人信好好兮奄乘高而
數度躬絕命猶弗追兮澤貴讒而翼怒予謂
棟且隆隆兮羗撫穢而得路伊霖之效尤兮
奚婪婪其求索余將望閭闔撫神龍兮虎豹
耽耽其礪突鏡鎗阿那以抱日兮雷砰砰而

蘭暉堂集卷一

十一

存外夫哲后豈弗寤兮孰九死其以語彼粲
春之蹇蹇兮迅隱軫而北南懷邇邇猶未悔
兮余觀夫裕之與安豈縷數其不可殫兮離
多難而浩歎子欣欣其遠遊兮矯九仞而降
觀朝策馬于燕都兮夕次于魯之郊揖叔旦
而質迂衡兮邈吐哺之上休馳汶陽且弭節
兮祗神宮而淹留庶穆穆其猶儼兮或見聖
而永由存靈光而慨渠渠兮喟佻舞胡以逾
長太息而升降兮迫南征之悠悠歷豐沛而

壯漢兮陟歌風之故臺唯從諫若轉圜兮遵
后皇其弼諧閔作忠而賈怨兮南浮江而弔
鴟夷彼瓦甌鳴以爲惡兮矧黃鍾之若雷躋
會稽之隆崇兮就文命而歷茲既玄玄莫予
聞兮遙緘辭而徘徊躋武夷其隱天兮漸崎
嶇乎獨處廓騁四望以忘憂兮遽懷余之連
連伊仙鯉之忽恍兮具靈輅爲予占之帝赫
赫卑而諒衷兮命掌夢使報嘉曰懋戢穀以
自持兮孰險巇而弗崩苟執德之無爽兮般

蘭雅堂集卷一

三

修名之馮馮余服訓而絕俗兮阽危而不能
舍也子玉蘊以自珍兮庶求美而該輔也亂
曰浮雲決鬱秋日曠兮鳳翔于淵鮑魚御兮
余溘與百草同死兮胡駕駘以方驥兮余寧
鎔鈇之利以棄兮胡同鈐刀在室兮心結懣
而莫從子兮荃易晰奚終懼兮

陽峰書院賦

岐陽山者荆楚之名山也學士張公
構書院其上稱陽峰焉而門生屠應

竣賦之

山岷峨以駢列兮勢崑崙而極天蟺蜣宛若
以千里兮中后土而奠南雷雨窈冥猶未半
兮迴日月于中巒接軫翼之靈膠兮赫嶒岷
其若騫扼搯巴蜀襟帶施黔表吳會以外屏
環襄鄧而內藩包雄楚之故都兮勢磅礴而
逾厲踐雲夢而曳洞庭兮老晴嶼猶未已凌
三峽以戶闢兮介重湖以爲尾並衡荆之嶠
岵兮勺江漢之瀾瀾緊信美又吾土兮言占

蘭雅堂集卷一

三

良而經始僞拱材于鄢郢兮比岡隰以構宇
臨沃流之瀕洞兮踰墳衍之參差旅楹邃以
複結兮樂橧疊而周施睇浮空之悅朗兮湖
湘濯漚而東匯巫峽巍隸瀟漾兮紛嶽蓮之
倒披影龍蓋以徇雷兮蒼梧雲起而承楣虹
下上以絢景兮霞爛采而涵虛郁郁芬芬敷
蘭馥芸瑤草植秀珠樹粲英西有夏雪之嶺
東睇日華之林異軌涼燠倏忽晦明叢篁猗
猗敷野兮鳥翔集而異鳴橘垂實以林繡兮

松梧韻風而奏音爰周覽而愉懌兮既耽思
而旁訊陳圖史以玄鏡兮漱丘素之芳潤振
大雅于鈞之野兮繩徽聲于千仞騁夷軌于
休廷兮總六轡以互進躋玉堂之奕奕兮嗣
皇墳焉未殞持玉衡而斟酌之兮序天行之
七政懷陽山之巖巖兮翹華宇以崆嶺迴鳴
雁以寄思兮向飄颻之南風陽林合沓而北
驚兮偉昭烈之故宮隆丘翼翼其遙峙兮雲
宵眴而伏龍原作忠以振藻兮陋反騷于漢

屠漸山集卷一

三

雄襲顯敞而陳賦兮咄登樓之未工目予逝
以心軫兮峻恩錫而鴻雁于埃揖夢龍僊之
馳兮爰反駕乎山中陟陽關而矢歌兮聽岐
鳳之雛雛

文鳳篇 有序

文鳳篇爲侍御聞人子壽其母王太孺人而
賦也聞人子之視學南畿也奉母以南母時
年六十有九矣夏六月十二日壽之日也聞
人子出按崑山欲躬爲母壽弗可而以文屬

予蓋自聞人子之爲侍御也歲俱壽母以文
往予觀之皆出當世名公而予非其人也然
有猶子之道焉弗可已也遂序而賦之俾其
族子弟歌以上壽屠應垓曰君子之壽其親
也有三道焉服德以錫愛因類以洽化俾教
流于無窮而聲稱于后世是故頌者有自而
原始有基也壽之上也策休名被渥恩貞于
身而寵徵于其親授無滄澤居無後愆壽之
次也擇方履禮奉身弗辱無外榮無內憂壽

屠漸山集卷一

四

之次也予之交于聞人子也視其于兄友也
友之信也守道恪而憂世勤也其事 主衣
榮而勗報也是有以壽其母也母年甫三十
而寡居聞人子少也教之以道今成而庸之
朝矣 天子之遣聞人子行視學也又以母
之所以教已者敷教于若人夫茲土也 國
家首善之地今聞人子視學將暮矣苟教之
洽而成也則人之頌聞人子者孰不頌聞人
子之母無已也是壽之至也吁唯聞人子之

母人庶其不以予言爲謏也

鳳之舉兮煙冥冥御清氣兮棄玄雲溘徘徊
兮儀 帝庭聲噫噫兮揚厥文秉 皇綸兮
玄宇允陸離兮南下服榮命兮修以嫫繄聖
善兮有壽母鳳臺崔嵬兮蒼蒼江淮波兮浮
遠光薰風起兮華有香襲朱筵兮冰漿夫容
紛兮曲沼蕙蘭郁兮都房華酌羅兮賓列母
欣欣兮壽康冠蓋宗兮獻酬錯鏗華鍾兮歌
舞作豸之峩峩兮燁其光青衿繩繩兮禮容
恪組纓班兮兩階圮遙瞻母兮愉以樂母之
醉兮顏酡瑱流珠兮委蛇迎西王兮瑤圃降
皇英兮清都弭翠旂兮振霓裳悅相和兮臨
風歌疏蓀壇兮蘭藉穆穆荔兮瑤席鸞笙沸
兮玉璫迫紛繁會兮娛永日壽耆悅兮尚羊
永延長兮膺天慶烈皇皇兮節孝章振文德
兮世世昌千秋萬歲兮壽無疆

屠漸山蘭暉堂集卷之一

屠漸山蘭暉堂集卷之二目錄

五言古詩

譚節婦詩

贈袁子未之戍湖州

苦雨擬張協

贈內

內答

送倫彥式司成

春遊懷友人

霸陵篇

送董子元南歸兼訊袁兄未之

七言古詩

高陽行

祥麟篇

君不見贈錢汝載

壽兄歌

西虹草堂歌

武夷吟

送林僉憲汝雨兵備潁州

太乙壇歌

贈張參軍

送同年唐子鎮削籍還雲川歌

送友人之蒼梧

送郭寅仲節推太原

送院長華二子潛歸觀

贈吳山人擴

馬上贈武舉生金寶

屠漸山蘭暉堂集卷之二

二

至日憩東平飲趙二元寶舍席上贈長

句

歌風臺

上之回

屠漸山蘭暉堂集卷之二

譚節婦詩

落景不復返逝水無還期結髮事君子受恩
良不貲世事易終極中道多乖離 乖離在
中道人生苦不保昔爲同心花今作斷腸草
鬱陶呼蒼天淒淒以終老 終老鬱以紆往
者形不歸感君平生歡殺身以相隨殺身良
不難存亦有所爲 所爲亦何如秉志良不
渝死者長已矣生者徒區區上有高堂母下
復有遺孤 遺孤何嚶嚶嚶歲云暮顧復
良苦辛長立有榮輝悟彼泉下人中情迄于
斯 于斯遡離居歲月逾五紀奄忽百歲身
沉憂竟終始感彼栢舟篇哀吟淚如雨

贈素子永之戍湖州

弱齡事篇翰與子諧所歡同芳握蘭茝偶德
璵與璠彈冠入門振衣陟華軒皇心苟予
顧白首諒無愆風波起中道行路一何難子
行戍故越予畱滯幽燕孤雲易流邁獨波不

成淵艱危各異勢，繾綣何由宣。贈子別鵠操，報我以孤鸞。

之子產南岳，倜儻非凡才。荆璞夜投人，按劍忽相猜。禍患固有期，讒言啓之階。秋風振林木，蒼莽晨光開。驪駒儼在駕，執手有餘哀。君子敦素節，在遠分彌諧。小人實狗華，居親志恒乖。願保金石軀，不以秋草衰。

清清涇水流，百折猶不湍。松栢有本性，風雨寧瘁之。執德苟無爽，患難非所期。得時騁騏驎，失意爲龍蛇。石室無銘功，名山有藏書。子行慎自力，吾亦反吾廬。

苦雨擬張協

玄雲駐夕景，層陰散晨光。祁祁貫炎序，萋萋迨金商。綠苔積基階，亭霞絢堂皇。修途爲淖淵，高丘亦洄襄。翔禽止叢薄，幽林紛萎黃。索居淹晨暮，感時令神愴。不惜蕙花歇，所嗟蕭艾長。徙倚望天路，佇立瞻秋陽。

贈內

良時飭徒御，予當遠行游。上堂戀慈親，入室語好逑。王臣奉時役，不得顧晨羞。井臼有常分，薄終義所尤。携手再三嘆，出門悵悠悠。室中四五鵷，眷眷不能留。遠期在終歲，忽往爲三秋。念我同衾子，兀兀紛離憂。離憂多苦辛，心轉如車輪。煌煌衆星列，迢迢隔參辰。鯁鯁雙鯉魚，一浮而一沉。楚橘不北徙，越禽有南音。贈子明明鏡，可以鑒我心。

明月照高樓，徘徊在林木。秋風振原野，零露生庭綠。蟋蟀鳴壁間，嫌嫌逝華屋。四顧何蕭蕭，感此景光促。念爾不能寐，振衣起躑躅。別易歲月長，會阻百憂續。猗猗蘭芷芳，欲采隔河洲。團團桂花樹，何以結綢繆。南山有轉轂，易水有方舟。中情信繾綣，會合當自由。

內答

昔與君別者，乃在舍東溪。溪水載君舟，妾心行復如君行。日以遠溪水，逝不返賤妾。守空閨，坐惜歲華晚。憂來陟高山，長嘆望所思人。

生不滿百三載爲須臾白露萎蔓草焉得長
盛滋浮雲出山谷漫漫無前期願爲雙鷺鷥
喋影戲清池不願爲飛龍矯矯眇天達

感君明明鏡團團若秋月妾心良不虧君意
有盈缺憂思亂心目攬鏡如沉灰何當奉膏
沐拂拭生榮輝君子敦素心不以新故衰豈
無桃李芳俯睠園中葵豈無羅紵輕被服故
所衣豈無梁肉貴采掇故山薇君諒秉高節
賤妾空踟躕

送倫彥式司成

高皇締洪業濬哲肇人文敷命浹遐宇稽古
登疇英崇崇辟雍建奕奕黌居新鍾山貴龍
景鷄阜翔瑤林圓流協天造丙舍若雲憑
彼淮水流湯湯周其陰執言憲黃髮委佩趨
青衿八方文軌轆萬葉黃彝振陛下念祖
烈踵武侔周成三宮鬯帝則四圭流德明成
人肆無斁洪化昭若神於赫文武圖茲豐
鎬京峩峩髦士宜離離飛鳳鳴選德握化紀

眷子爲國禎奕世獎休懿操翰侍明庭煌煌
帝命將肅肅南轅征旌佩豈云遙俎豆由茲
陳黃鍾宰殊叩衆流會有盈衣冠示民則羽
儀章國經濟濟橋門聽溫藻敷丘墳踴踴國
子徒率履有儀刑式謝何晏辭亦陋桓生榮
采萍遲鳴鹿飛鵠集嘉林聲光自南國大雅
流餘音

春遊懷友人

淹愁謝冠蓋耽寂懷丘林言與二三子薄遊
向城陘習習谷風變嚶嚶黃鳥鳴弱草有嘉
意流泉動春聲俯鏡潛魚躍仰睇故條榮乘
時鮮陋質被野多鮮英觸景豈靡諧感舊情
所欽物理互云代人事無終傾達人順元化
游心付沉冥

霸陵篇

憶昔漢文帝行游霸上園遙指新豐道回瞻
渭水原倚歌未終曲慷慨啓長嘆擲發北山
石紵絮斷其間左右相噦噓嗇夫前致言請

觀秦皇帝壯哉營鄠山白日避層闕銀流涸
重淵玄臺玉衡建幽圯青黎懸六宮既同盡
千夫亦何寃金湯萬年固陵谷須臾遷愚民
諒何知厚葬乃其愆片言感宸極納諫如轉
圜高陵不夷塹卑渠瀉通泉聊供陶冶器無
改山澤觀當年景遺詔後世稱高賢巍巍霸
陵廟迢迢至今安

送董子元南歸兼訊袁兄永之

董生鸞鳳質儀羽何繽紛二十作文賦麗藻

蘭暉堂集卷一

八

師機雲投策羨賈誼懷繻陋終軍躋躋四方
志而不纓世氛白駒謝空谷鳥鳴懷高枝來
賓覲王國整駕俟天達致我故友問贈我瓊
瑶辭英英縷文玉粲粲呈明珠盍簪金石叩
儷奏埴篴俱北轅始停轍南江理歸柁商風
協悲端登高不能別蕭蕭江漢秋悽悽霜露
結憑君訊袁安應卧丘中雪援琴奏陽春疇
能變寒節

高陽行

菁山先生謫傳保定保定古高陽也

于是門人屠應垓爲作高陽行

君不見高陽酒徒氣若虹酒酣仗劍謁沛公
褰衣側注反遭罵豎儒瞋目稱而翁軍門拾
謁使者入麾矛雪足來趨風儒冠自昔爲人
下豪士纍纍走中野公卿半屬鼓刀人塵埃
誰是彈冠者侯門我我仁義存金貂白玉多
殊恩九達車馬若霆擊中臺咳吐如春溫丈
夫風雲不自致寧能咿嘵齷齪趨華軒菁山

蘭暉堂集卷一

九

先生真崛奇文章垂世光陸離懸黎結琬世
莫識陽春白雪和者誰憶昔予爲門下士諸
子森森並蘭峙白晝行歌秦駐雲醉後清心
越溪水即今已及十年餘人事升沉豈堪紀
鳳儀未上金門書呂甥尚曳東郭履逢也雖
負鴻漸翼失勢青雲未能舉去年有詔收駿
骨沈咸十蹶始一起先生豈是百里才驥伏
鹽車垂兩耳幾年臥遊湘水東洞庭雲夢清
若空青蠅營營止叢棘白露颼颼摧孤桐長